

Amanaki ke tohia e higoa mo e vili



**ELECTORAL
COMMISSION**
TE KAITIAKI TAKE KŌWHIRI

ROE47 A4 Niuean 04/2026



Ko e hā ne kua fakamau e higoa ke vili?

Kaeke kua fakamau haau a higoa ke vili, maeke ia koe ke fai talahauaga ke he tau viliaga lahi, tau viliaga maaga mo e tau viliaga lahi ke he tau matakupu mua atu e mahuiga. Ko e viliaga lahi he motu ko e haau a magaaho hanei ke talahau ko hai ke hukui a koe ki loto he Fono Ekepule poke ki loto he haau a fono takitaki maaga ke he tau manatu kua mahuiga kia koe.

Maeke haau a leo ke logona kaeke kua fakamau haau a higoa ke vili.



Ko hai ne maeke ke tohia e higoa ke eke mo tagata vili?

Kua lata a koe ke tohia e higoa kaeke ko koe:

- kua 18 e tau he moui poke molea, mo e
- ko e Tagata kua moua e Sitasene Niu Silani poke kua totou ko e tagata nofo mau ke lata mo e tau viliaaga, mo e
- kua nofo ke he motu ko Niu Silani ke he 12 e mahina poke molea e 12 e mahina he taha magaaho he haau a moui.

Ko e Tagata nofomau a koe he motu ke lata mo e tau viliaga kaeke kua nofo mau a koe i Niu Silani mo e kua nakai fai hatakiaga ke fano ke he mai mo e motu ke he ha magaaho kua fafati. Kua putoia ai e tau tagata ni kua hahā i ai e visa nofo motu.

Kaeke ko koe ko e tagata Osetalia, Niue, Tokelau poke Kuki Ailani, maeke ia koe ke fakamau e higoa ke vili kaeke kua nofomau ki Niu Silani ke he 12 e mahina poke molea.

Kaeke kua nofo a koe he tau motu kehe maeke ia koe ke tohia e higoa haau ke eke mo tagata vili kaeke ko koe kua:

- kua 18 e tau he moui poke molea, mo e
- kua nofo i Niu Silani ke molea e taha e tau ke he taha magahala he haau a moui
- ko koe ko e: Tagata Niu Silani Sitasene mo e kua nofomau ki Niu Silani ke he 3 e tau kua mole, POKE tagata nofomau ke lata mo e tau viliaga mo e kua nofo i Niu Silani ke he 12 e mahina e kua mole.

Maeke ia koe ke fakamau e higoa ka tu e 17 e haau a tau he moui.

Ko e magaaho ka tū e 18 he haau a tau moui, to fakamau agataha haau a higoa mo e kua mau a koe ke vili.



Fakamauaga he higoa ke vili kaeke ko koe ko e tagata Māuli

Kaeke kua tupu mai a koe he tau tupuna Māuli mo e ko e magaaho fakamua laia hanei kua fakamau haau a higoa ke vili, fifili e koe e tohi fakamau higoa tagata vili kua manako a koe ke nofo ki ai: ko e tohi fakamau higoa tagata vili he motu poke tohi fakamau higoa tagata vili ma e tau tagata Māuli.

Ko e fifiliaga haau ke lata mo e fakamau e higoa ke vili laua ai e:

- matakavi ke vili a koe ki ai
- ko e tau tagata vili kua maeke ia koe ke fifili.

Kaeke kua fitā ni a koe he fakamau haau a higoa ke vili, maeke ia koe ke hiki e tohi fakamau higoa tagata vili ne kua tohia haau a higoa ki ai he ha magaaho taha, ka e nakai maeke kaeke kua:

- ki loto he 3 e mahina to hoko e viliaga lahi poke tau viliaga ki loto he maaga ne kua taute lagataha he 3 e tau
- to fakahoko ai e vili motuhia he fono ekepule kaeke kua uta kehe e hikiaga nei a koe ki loto he tohi fakamau tagata vili ne kua taute ai e vili motuhia nei ki ai.

Ko e heigoa e kakano he fililiaga ke he tohi fakamau higoa tagata vili kia koe?

Kaeke ke fifili a koe ke vili ke he viliaga he motu, to vili a koe ke he ha higoa kua fakatū ke vili ki ai. Kaeke kua fifili e koe e viliaga he tau Māuli, to vili ni a koe ke he taha higoa he tau tagata Māuli kua fakatū ke vili ki ai. Maeke ia koe ke vili ma e tau matakau politika ke he viliaga lahi he motu, ko e tohi fakamau tagata vili fē ni kua nofo a koe ki ai.

Ko e tohi fakamau tagata vili fe ni kua fifili e koe to laua ai e puhala kua vili a koe ke he tau viliaga he maaga. Kaeke kua nofo a koe ke he tohi fakamau tagata vili he tau Māuli mo e kua haha i ai e matakau Māuli ke he haau a fakatufono he maaga, to vili ni a koe ke he tau tagata ne kua fakatu e tau higoa ki loto he matakau Māuli poke maaga. Kaeke kua fifili e koe e tohi fakamau tagata vili he motu, to vili a koe kia lautolu i loto he matakavi nei.



Tupetupe ke he haau a moui haohao?

Kaeke kua tupetupe a koe ke he haohaoaga he haau a moui, poke haau a magafaoa, maeke ia koe ke tohi ole ke tuku haau a higoa ke he tohi fakamau higoa tagata vili ne kua nakai tohia. To toka haohao e mautolu haau a tau fakamauaga tohia higoa tagata mo e to nakai foaki atu ke he ha tagata. Kaeke kua tohia e higoa haau ki loto he pepa vili kua nakai tohia, to nakai putoia ai haau a tau fakailoaaga tagata ki loto he tau pepa vili kua lolomi mo e to nakai maeke ia koe ke kitia poke tuku e tau fakailoaaga nei haau i luga he laini hila.

Ko e magaaho ka vili ai a koe to fakapuke ai e koe e pepa vili pauaki mo e fakapuke ai e taha laupepa foki mo e haau a pepa vili ke fakamooli ai e matakavi kua fakamau a koe ke vili ki ai. Fano ke he **vote.nz** poke hea **0800 36 76 56** ke lata mo e tau fakailoaaga fakalaulahi pihia mo e laupepa ke fakamau e higoa ke vili.



Maeke fēfē ia au ke fakamau e higoa?

Mukamuka ke fakamau e higoa poke fakafoou haau a tau fakailoaaga fakatagata. Maeke ia koe ke:

- fakamau e higoa ke vili i luga he laini hila **vote.nz** fakaaoga e haau a tohi fakaholo Niu Silani, Pasipote Niusilani poke fakailoaaga fakatagata RealMe kua fakamau
- hea nākaī fai totogi ke he numera **0800 36 76 56** mo e ole ke fakahū atu taha tohi fakamau higoa ke vili.

Kaeke kua fakapuke e tohi fakamau higoa ke vili haau ti liuaki mai ai ki a mautolu. Kaeke foki kua fakamooli haau a higoa, to hake mai haau higoa ko e tagata kua tonuhia ke vili. Ko e tohi fakamau higoa tagata vili ne fakamau ai a lautolu oti ne maeke ke vili ke he tau viliaga. Maeke lāia a koe ke vili kaeke kua tohia haau a higoa ke he tohi fakamau higoa tagata vili.

Kua lata ia koe ke fakafoou haau a tau fakailoaaga fakatagata ke he tau magaaho oti ka hiki haau a kaina ne nofo ai.

Manatu ke fakakia kua toka ia mautolu haau a meli hila mo e numela foni utafano ke maeke ia mautolu ke matutaki atu kia koe hagaa ia ke he fakamauaga he higoa ke vili pihia mo e puhala ke vili.

Ko e magaaho fakamua haau ka fakamau e higoa ke vili poke ka fakafoou haau a tau fakailoaaga fakatagata, to fakafano atu e mautolu e tohi poke meli hila ke fakakia e koe kua hako nakai e tau fakailoaaga nei haau.



Manako lagomatai ke fakamau e higoa?

Maeke ia koe ka ole ke he taha tagata ne iloa a koe, tuga e kapitgia poke taha tagata he magafaoa, ke lagomatai a koe ke fakapuke haau a tohi fakamau e higoa ke vili.

Kua lata ia koe ke fakamooli e tohi nei.

Kaeke kua iloa e koe ha tagata ne kua nakai maeke ke fakapuke mo e fakamooli ha lautolu a tohi fakamau tagata vili ha kua nakai mitaki e tino poke manamanatuaga, kua maeke ia koe ke lagomatai atu.



Manako e tau fakailoaaga fakalaulahi?

Ke lata mo e tau fakailoaaga fakalaulahi hagaa ia ke he fakamauaga he higoa tagata vili poke viliaga:

- ahiahi atu ke he **vote.nz**
- hea **0800 36 76 56**

Tau fakailoaaga hagaa ia ke he tohiaaga he higoa tagata vili poke viliaga kua maeke ke moua ai ke he loga e tau vagahau kehekehe mo e falu puhala foki ke he **vote.nz**



**ELECTORAL
COMMISSION**
TE KAITIAKI TAKE KŌWHIRI